



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 四一九

亦有生齋集五十九卷（樂府二卷詩三十二卷詞五卷文二十卷） 趙懷玉 撰

總序

味辛先生儒林丈人詞壇尊宿多議前代之載工爲古人之文海內誦其詩篇士流奉爲矩矱茲手定其詩文若干卷問序於余余受而讀之逸藻雲布潛思淵淳詩品高奇文格古貴鏗鏘金石瓏璚其聲羅列模稜續紛其采神明律呂得賒促之中杼軸清英擅錯綜之美七門四徹之書窮其核極百氏九流之學探厥淵源兼華實而無兩傷台駢散而爲一手斯可謂文章冠冕述作楷模趨曹劉陶謝之牆藩追賈馬劉班之軌躅者矣最可憶者居同白社巷指青楊自束髮之年訂撫塵之契交綏藝苑掉鞅文場斯時也稚存負雄鷲之姿仲則挾飛騰之氣淵如擅宏通之譽叔訥矜典與廣之才莫不

亦有生齋集總序

一

鷹揚其體彪炳其文逞汰翰之勇效徹札之能君乃北拒南連左縈右拂當萬人之敵車騎雍容合九國之師旌旗整暇偉長在應劉之例別有風裁巨源居嵇阮之間獨推識度每當書古談治燈涼酒溫濡毫而醉墨爭飛擊節而驚花亂落豪情激越逸興縱橫此一時也既而君銷翰薇省余飄泊榆關一則藥露槐風朝班容與一則金笳戍火邊微蒼涼或宣揚班馬之詞鶴鳴雞樹或促拍伊涼之調鳳撥鵲弦每憶風月三千掖垣梧竹秦關百二古塞塵沙君操觚而銀湧金鳴我應節而絃么微急青山高而望遠白雲深而路遙呼慶忌以傳書命趾離以通夢時家弟荔裳亦幸通朝藉偕步禁林西庭掌制楊炎與常袞同登東觀除書蘇晉與賈曾並列每

亦有生齋集

亦有生齋集總序

二

吟杜老看雲之什兼和任昉休沐之詩騷騷焉愉愉焉長離舞而紫鸞歌應龍翔而鴟吻望飛傳韻磔響答詩簡又一時也泊乎中秘掄才外事獨任遂要銀文出貳青齊更給邦紱再臨大郡問斟鄩之俗歷少皞之墟不廢嘯詠閒搜嚴整君乃述郭緣生之記校馬第伯之書攷琅邪博揖之遺文辨東嶽歲終之僻字丹崖翠屏招仙眞而可卽雲亭日觀呼帝孫而如聞殿歸獨存城明不夜象緯在目鴻濛盪胸踴閱風以覓句老鶴導吟彈琴雪以絃詩神虬頂禮以擬查志隆岱史之輯蘇和仲海市之篇亦應奇響振空元精貫墨而余以倦爲塵吏甘作山郎愧含雞舌之香羞營虎爪之板乙丙旣空爲之押甲辰亦自笑其雌靈鞠蕭衰孝標冗散舊雨今雨燕鴈差池長吟短吟風花外迂此又一時也迨至君辭官而歸梓里余奉諱而返蓬蘞悲子敬之人琴感彥威之朋舊情同散雪怡望歸雲未免戚戚寡權棲棲失職又以山資莫助未遇郝超眞隱難充見嗤袁淑關河才子萍梗因依老作寄公貧爲浪士壁華嶽蓮花之掌漱黃流竹箭之波次入烏帟梯攀鶴首入士鄉而友教借經舍以棲遲周續講堂劉瓛精舍五總九總點注丹黃大經中經紛紛綸帖括膏蘇未樹鉛槧空疲更塞兩角之雲出五丁之峽捫參厓井折柳浣花山子秋啼杜鵑春喚詞繡樂府誦青天蜀道之詩夢入江南憶小海吳兒之唱庸音誰和蠅思難傳尤可慨者君亦驅馳同余寥落關東士子再設魯丕之經濟南生徒更受杜林之學許慎

無雙戴憑獨步賢爲聖釋經有說郭足宣虎觀之風允寸璧
堂之瑞而乃抱皇甫謐之風痺嬰劉公幹之沈疴森粉一牀
茶煙半榻余亦王微疹疾馬卿病泊爾尸居頽然廢日掩
關獨夢念我故人彌覺覓指尋聲馳情撫臆也猶幸吐文萬
牒積篋十重夜光元圃之珍奔樹槐眉之跡冷汰結質鮮榮
照華藏用觀桓立言斷斷以之鳴節疎韻振采負聲可以畢
半百家淹貫羣雅他日江山招隱香火尋盟返櫂蒼湖買田
陽羨話韶壑之往事尋弋釣之昔遊各湧言泉同賦文律所
言當得君意竊比孝標叙舊之詞後世誰定吾文更切于建
相知之感嘉慶十九年三月上澣金匱楊芳燦

收菴先生以

亦有生齋集總序

三

召試通籍服官中外者四十餘年所至負高名交友徧海內
晚歲養病家居同人力勸刻詩古文詞迺取年七十以前所
作爲一集序而錄諸板凡樂府二卷詩三十二卷詞五卷文
二十卷共五十九卷可謂盛矣先生詩文於古人無不學學
其長而舍其短故不形似一家而能具諸家之美其徵故也
博其敦詞也邇其摘藻也雅其用意也醇讀先生集者蓋自
能知之自先大父先君子與先生之考刑部府君暨先生兩
世交善先生之於士錫重以通家故恒進而教之因得盡校
全集今年夏刻既成屬士錫序之夫集之有序所以明撰述
之由由論世之旨俾讀者挈然得其要領其爲序者或地親
而商齊則又各論列其自得之趣互証所學以示來許則序

先生集者亦已大傳焉顧士錫以身預雋校親聞緒言辱以
文徵其敢點點爰誌數語敬答嘉命兼質觀者道光元年四
月朔同里後學董士錫

余年十一二始學爲詩十五藝師攻古文學爲古文十六試
江甯有金陵懷古之作學使者知其能詩于錄遺日稟試以
古近體十九題

純皇帝四巡召試是歲省家君子都門與程魚門童鶴階兩
前輩同屬書爲程作投桂林陳相國長律爲童作悼僕詩程
頗許可童讀之下淚二十發桐鄉金氏戚鄰間皆喜談詩余
亦間作二十一謁杭州先尚書祠始得詠西湖之勝然前此
詩已盡佚不可復得亦不甚足惜也今存詩斷自二十一始

亦有生齋集總序

四

文亦二十後始存之詩多牽率爾應涉筆凡庸然境必取其
真不敢有意塗飾蹈前人僞體之樊文限于才議論波瀾素
非所擅偶爲序事之作必謹于體例不敢漫求人悅駢儷之
體投拾無多今從柳州南府君睢陽廟碑例依類錄置不
另區別至詩餘一道尤非性之所近同人強爲之率爾效顰
而已今知交謂無論優劣一生心力所在縱更付刻姑檢而
錄之詩自乾隆丁亥始至嘉慶丙子止計三十二卷文二十
卷詞五卷始于志學時頗思有所樹立乃秉賦薄薄玩惕相
乘又爲疾病奔走所間今久嬰沈痼彌就衰頹既不能裨益
身心亦不能附庸譚述卽雕蟲小技所得乃僅僅如是殘年
易盡暮景難收豈不可悲而可恥哉是編定文而商去取者

同里莊刺史忻憚大令敬陸廣文繼韜文學耀通女夫莊明
經穎曾也哀費以飲劑刷者同年唯州蔣侍郎子蒲同年歛
縣朱兵傅文翰妻縣姚太守令俞順德張司馬青選何大令
太青休孟汪別駕承燮鍾祥彭大令志傑大興陳大令三立
女夫周工部廷授從子郡守學轍也意不可沒因并附書
嘉慶己卯除夕涪皋賡人懷玉自序

亦有生齋集總序

五

亦有生齋集

亦有生齋
樂府二卷

三

樂府序

往余讀越絕覽毗陵故蹟嘗之江上弔春申家返訪古上湖拜季子墓下或云郡東南八十里曰太湖有夫椒山聚湖中峙楊梅夏熟可繼舟飽噉又其地偏境古或者有高人奇士翱翔其中既走四方不可復往三四年間余與趙子味辛客京師述桑梓勝事有偕遊之約未幾味辛家居與蔣民部立菴華杜門談道無意山水泊余歸里立菴方北去味辛屢放舟浙中未暇以遊於鄉而余又有于湖之行居數月味辛寓書于湖且以雲溪樂府示余展卷快讀則皆採鄉中節烈高逸自春秋迄今歌詠之長言之哀然成帙竊訝味辛所詣之速且勇其所觀感甚大余乃歎偕遊山水之志之淺也夫山

亦有生齋樂府序

一

高水長古人長往生斯土者稍不自立則忽忽百年與草木同腐卽如明之末造東林不過下里講學之地而國運之盛衰士氣之良楮關焉蓋其自立者審已余嘗論之君子懷抱利器觀國之光用之爲祥麟翽鳳豈願試勁草於疾風見後凋之松柏然而平居混俗同塵無不欲不爲之守一旦臨小利害潰防決閉而不可保況其大於是乎味辛之爲是詩也母亦取夫臨難持危之高節勵其慎微謹小之大防而非以爲舍此不足以見君子也夫詩人之旨不過山花溪鳥玩時爲意一以寄其幽懷愁思而味辛獨能以金管之才仿丹青之例觀其詩亦以知其自立已余過九秋當歸訪君於雲溪江湖寒淥時與君棹一葉之扁舟聽其所止而休焉味辛

居鄉久亦嘗得向所謂高人奇士意者與余相引於山高水長之間是所望也不可不知也余與味辛惟持此意以相礪於無窮使立菴見之當亦粲然悅怡然感也夫乾隆辛卯四月同里管幹珍

詩之義與春秋相表裏孔子曰可以興可以觀卽春秋義也康成知之以其和年表作詩譜少陵元白知之以時事爲樂府鐵崖西崖知之以史事爲樂府我友味辛知之又以延陵一郡之人之事爲樂府其隸事雖殊其於勸懲褒貶之旨則一也味辛詩如箴如銘微而婉隱而顯言近而意遠風韻平六義之道萃焉夫天下大矣其賢人君子芬芳風烈可考可歌者何限而何獨延陵則然延陵之有味辛也延陵古人之

亦有生齋樂府序

二

幸也雖然味辛爲恭毅公之後人激揚清濁門風有自又以高才生盛世公侯之子孫必復其始味辛歌人乎盍使人歌味辛乎吾老矣幸而未衰其猶能兼聽之乾隆乙未秋錢塘袁枚傳曰一國之事繫一人之本謂之風關雖葛覃陸始基之業風發車揭表哀思之困樹惇人倫經緯禮俗風韻乎不可尙已變風告終樂府斯作吳嚴梁皇物比於剛村馮翊蒲反節計於律間三唐以來厥體滋廣新安石塘之製胡放太行之篇杜白濫其原李楊靡其委莫不寓載筆於絲竹發長言於裘鉞諷詠之情既深主文之義彌永達於事變而懷其舊俗者也吾鄉延陵故封禪讓成化魂人琦士壘軌駢馳而方志

缺略文獻散逸大雅之材不作籍氏之譏以彰頌聲寂寥潛
德淪絕志學之彥傑焉閔之夫近士大夫厥有四蔽飛華尊
組之上逐妍投贈之末假六義爲衡鑲飾四聲爲厓雉公宴
行饌之作述德介眉之詞削彫竹而未罄燔素坑而欲窒結
言所契靡問脂販之侶穆如之誦實獻田實之門天枉性靈
抗走塵俗祇以速其愆尤鮮有合於懲勸其蔽一也九層之
臺實土桑其積千里之行跬步致其用運有鯁儒耳食末學
膚受同甫田之忽近等杞園之圖遠聞二遺一識十忘五祖
禍未別探三古之歸藏闢閭味音通八絃之結舌其蔽二也
首邱之正有生大期登岳之謠達士猶感故鳥迅羽而投林
鱗勞鳴而縱壑今則一命始列牛通乍綰已鄰所生於互鄉

亦有生齋集樂府序

三

比故土於焦石爰居止魯嬰鐘鼓而不歸胡馬適秦謂芻茭
之可悅曾無孔父十里之思永絕浮屠三宿之戀望墟墓而
微悲忘毛裏之安在其蔽三也生榮死悴蚩氓所爲大哀逝
川奔景志士於焉隕涕而天下熙熙目吁鼻息語科第則色
飛陳鍾鼎則神壯高閭閱於穹蓋炎勢灼於朝旭罕不脰鳴
仄行蟲駭螳怒噎龍比爲詭激斥閔曾爲近名及其北首告
辭西州大去輿肆在塗同貉子之委野孟弋去室少婦人之
行哭淒涼山水魂魄秋草其蔽四也又況老成之人先落子
弟之瞻靡從敷辟之俗已中於馮生性情之原無當於風雅
維桑與梓必恭敬止將欲緝其頽綱必先昭其舊式此收菴
先生雲溪樂府之所爲作與曾臣家世食德早歲羈泊幸中

郎典型之在感元禮通家之知異日甄次所聞周度執事補
耆舊之傳成士女之志遠慙昔人明述之旨庶存禮經必式
之意云爾嘉慶壬申十二月同里後學童曾臣

夫魯史之體詳內而略外此方志之左海也韓詩之旨舉近
以諷遠斯俗化之右緒也士大夫沐浴疇德胚胎前光不能
扇椒馨詠駿烈數典有忘體之舊藝禮味必式之義不其惡
與吾郡上分帝車之曜下當少陽之位洵仁藹義林挺角出
鞘寶淵耀含鄉漸越節炳乎緄帛勳溢乎烝鼎趙君收菴爰
著樂府二卷上源姬錄下逮勝國將以被金石美俗訂史
匠之謬焉補檮桑之闕焉夫雙劍之節崇而飛白之俗成俠
瑟之容飾而赴曲之和作今者鄉黨傳其庭話雲初守其楹

亦有生齋集樂府序

四

書輩作輩學被服里人之美以游以釣私淑君子之澤俾泰
山之節烈彌劬魯國之絃誦弗替斯舞詠之懿也漢興以來
輶軒之職廢而樂府之響作聲主盪滌義規懲勸美其感化
弗輟替宗之祠聆其鏗鏘可當神絃之奏瓦絲尙議祖豆日
新流韻應牘之間托興球鐘之外斯又聲音之嬗也然而削
怨五百牒集矢尙多襲謬八十宗聲竹難改惟桑梓之目驗
既悉斯枌榆之典要可憑務使白雲昭昭蒼狗之變既盡良
玉珠璣青蠅之玷斯滅彼曲學多辯直等之優言無郵云爾
若夫羊裘高躅卓帽孤忠義姑不著於魯經楚生無聞於吳
志度尙弟子絕少黃絹之碑陵故人曾無客星之奏烏頭
笑託龍尾終潛茲竝勒以瑤綱書之銀管舞紉絕宮之魂魄

聞冥漠君之姓氏非值畜德之助抑亦澤枯之誼已余於是
有感焉昔有明遺元二之裁賢人丁陽九之厄尸臣黨鋼柳
鎮生香媼相刊章銀鑰滿市碎首青蒲之上流血金商之下
舉幡太學則陳東決脰橐籥請室則范升貫耳國事日非士
氣益振迨平玉弩無塵金甌有主猶復據縶鬻之山河舞形
天之干戚不餐薇蕨願化沙蟲是則東林片席實關明社南
蘭百里尤聚黨魁是編所採於斯爲盛異日播之邦族操我
士風敦勒高歌聚收起舞廉頑傾立激濁揚清是豈襄陽銅
鞮之誼巴渝竹枝之什所可同日而語哉嘉慶丁丑三月同
里左輔

延陵在周屬吳秦屬會稽郡齊梁以後人物輩起帝王名臣

亦有生齋集樂府序

五

吏治儒林忠義孝友節烈高行卓卓可紀稱極盛焉然則延
陵雖百里地實於東南百城中爲望郡也夫古人有產其地
而志乘差稱推而遠之若將視焉者非產其地而蹤跡所及
引而比之以爲光焉者無他直道存而好惡公也余童時好
譚桑梓軼事及長從吾宗秋圃先生遊又與湯君修業過從
兩人皆邑遺獻遂復增益所聞客秋自白門抱病歸取前所
誌憶參諸傳記得樂府百首選略前詳後之意仿比例得書
之體而準乎必恭敬止之心事之有關名教有利城社者書
之卽無係於此而可歌可愕未可輕棄者亦書之大率專示
表章微昭炯鑒以一邑推之天下則協平史家勸懲之義而
止夫由周以來上下千百年身踐茲土與茲土草木同腐者

何限數典忘祖叩之茫如者又何限若是者豈非負於父
母之邦哉故生於斯而工可歌社可祭作則於閭閻垂教於
來茲鄉先生之責也生於斯而闡幽芳發前烈存心乎繼述
無忝乎先型後死者之責也至於山川之淑美科名之焜耀
雖足供詞客之鋪張實靡當史家之揚抑概不敢書辭之繁
蕪義之壅漏知我罪我吾無計焉白雲溪爲郡城之勝先人
之敝廬在飲食沐浴於此遂以名吾篇乾隆三十六年春三
月武進趙懷玉自序

亦有生齋集樂府序

六

亦有生齋集樂府目錄

第一卷 雲溪樂府

十字碑

披裘歌

夫椒敗

春申引

朱山高

彭君歎

中郎墓

負薪曲

周孝侯

打鼓行

草蕭蕭

車轅折

五柳盧

須我歸

無礙殿

栗擲帝

七疋絹

卿有名

亦有生齋集樂府目錄

陳司徒

王闕寃

升御榻

謀舍人

蕭夫子

非市名

手植檜

一瓶酒

樞密來

排闥諫

胡公塘

焚諫草

蜀山歎

毀黨碑

網安否

斷兒手

岳韓勳

還手詔

千金書

遺愛坊

兩巡檢

遺學解

雙刀王

悲姚公

非死所

眇一目

龜巢篇

徐大師

清閑閣

焦先生

帽擲地

築城行

陸郎怨

劫降哀

第二卷 雲溪樂府

舟中泣

訪選過

雙烈歎

撰樂章

尹蓬頭

避蝗歌

孝友贊

三虎引

亦有生齋集樂府目錄

侍臥起

戍邊行

慧星現

活一命

一揖出

應筆架

拒倭行

進鵝哀

望城泣

襲人子

舞鏡簡

諱父名

黥竇尹

投園池

變虎飛

持血衣

才子冤

長跪求

曾公堤

賣燕童

吳公歌

塞陽寃

登崑崙	歲朝揖
鉅鹿戰	釀酒誓
殉城誓	百里歌
爲誰守	金兵部
北向拜	指門限
搖手三	哀董生
沉淵曲	悲澄江
孫令來	九龍山
牧牛兒	煎海僧
黃衣士	米堆山
十上策	大風曲

亦有生齋集樂府目錄

三

叔庵小像



或翰或堅匪惠匪夷文重倫紀
大脩文辭所惜遲莫沈疴莫泊
縱有暇日難尋樂省凌早開寧
小歸未暫展夫雙眉既莫慰此
生之志又安非後世之知
道光初元十月叔庵安自題

亦有生齋集樂府卷第一

武進 趙懷玉

雲溪樂府

十字碑

秦伯虞仲兮伯夷叔齊茫茫千古悠悠我思宋襄子魚兮
難乎爲繼先王知人兮敢干義嗣勿勿抽劊兮肘腋之間何
尤于光兮何厚于樊穹碑十字兮春秋之筆闔閭墳荒兮孰
得孰失

吳王壽夢四子諸樊餘祭餘昧季札賢欲立之讓不
可乃立樊已除喪復讓位札曰君義嗣也誰敢干君樊
卒命授餘祭欲以次致國于札及昧卒逃去立子僚公

亦有生齋集樂府卷一

于光弑僚自立季子待終延陵墓有十字碑孔子題曰
有吳延陵君子之墓烏庠

披裘詩

謂我拾金兮身豈負薪耶謂爾君子兮心何野人耶望而不
見兮未足與言耶

披裘公當暑披敝裘負薪而行道有遺金不顧季子怪
問之曰反裘負薪豈拾遺金者何吾子貌君子而心野
人也問姓氏曰子皮相之士何足與言姓名遂去季子
立而望之不見乃去

夫椒敗

敗夫椒報檣李吳如龍越如豕賜胥劔築娃宮吳爲豕越爲

龍保會稽甲三千吳爲沼二十年居甬東孤老矣一世雄乃
至此

左傳哀公元年吳王夫差敗越于夫椒報檣李也越子
行成吳將許之子胥泣諫不聽退曰二十年之外吳其
爲沼乎二十二年冬越滅吳使吳王居甬東辭曰孤老
矣焉能事君乃殺

春申引

一言不使兩虎傷咸陽布衣歸作王王出關功莫比上客三
千躡朱履可憐好士推春申眼中不識朱觀津身欲亡猶自
賀邯鄲買人居奇貨種玉計成三族墮

春申君黃歇楚人封于吳慮秦滅楚說秦王曰今聞大

亦有生齋集樂府卷一

王欲伐楚此猶兩虎相鬪云云乃止楚使太子完質于
秦歇說應侯略云若不歸則咸陽一布衣耳楚更立太
子必不事秦因變衣服爲楚使者御以出關是爲考烈
王王無子李園進其女弟于歇有身女弟乘間說歇遂
進于王生子爲太子園恐泄王卒伏死士于棘門刺殺
之初觀津人朱英請爲歇殺李園不聽

朱山高

生不願爲司徒之尊居要路但願身後漢家朱幡一到墓一
到墓平生心改臘之祭吾弗欲餓死之勝吾知音朱山之高
亘古今

虞仲卿墓在無錫王莽逼仲卿爲司徒不從死之光武

· 使使持朱幡表其墓故號朱山

彭君歟

孤城小子彈強鐵不可當不爲太守服但爲彭君降父辱子卽死章義吏亦良嗟哉蘭陵人尙知有子陽

漢彭修字子陽毘陵人年十五父爲盜劫修困迫拔刀呼父辱子死卿等顧不畏死耶盜笑曰此義童不宜逼後州辟從事張子林等作亂修與太守討之賊望見太守被射之修障太守中流矢死賊殺中修者悉降曰我輩自爲彭君降不爲太守服也

中郎墓

中郎墓在何許國史不成身向土失足一時恨終古中郎墓

亦有生齋集附卷一

主

乃在斯斷碑入地深十尺上有屈曲模餽辭君不見虞帝南巡不到此夫椒馬蹟談秦始

蔡邕墓在互邨近新塘鄉人得其墓碑唐鵠徵志廣輿

志皆載之舜過山在武進界夫椒山有馬蹟相傳始皇駐蹕於此

負薪曲

吳隱之爲晉陵太守清儉妻自負薪嘗飲食泉詩曰香入湖沉到底君不見一具匪一雙筆孔公何如范公潔後來繼者嗤其拙

晉吳隱之爲晉陵太守清儉妻自負薪嘗飲食泉詩曰試使夷齊飲終當不易心後至番禺妻齋沈香一斤隱

之投于湖亭之水梁范岫守晉陵唯作牙管筆一雙猶以爲費陳孔奐除晉陵守曲阿富人殷綺餉衣氎一具卻不受

周孝侯

行不近猛虎窟影不落潛蛟淵蛟虎本無知志士驚暮年朝來殺虎南山下白額無聲血流藉翻身直入馮夷宮手屠蛟腹迎腥風浮沉三日一躍起生還不慶慶其死欲修肯憚前途艱古來豪傑立名皆類此寄語都督渾莫輕亡國後寄語梁王形休誇勢炙手紛紛衆惡攻孤臣不歸有母歸有君自知此行陷危地慷慨驅車畢吾志嗚呼劬之子賓之孫有兒風烈如將軍華亭鶴唳憐機雲

亦有生齋集附卷一

四

周處陽謫人少爲人所惡戚父老三害之言殺虎斬蛟入吳從二陸遂仕吳吳平王渾醺酒建鄴宮處曰魏亡于前吳滅于後亡國之戚豈惟吳中王漸入晉累遷御史中丞梁王彤違法深文按之民人齊萬年反朝臣惡處詔爲建威將軍隸夏侯駿形爲都督孫秀知其將死曰卿有母可辭也曰忠孝安得全悲慨卽路賊軍七萬駿以五千兵逼令擊之遂戰沒祖賓官於吳多政績父勛多武功子圯仕晉三定江南

打鼓行

梁蔡細腰鼓鄉人畏如虎一朝忽折節事文復事武鍾山石上琴聲終行人千載思蕭公丈夫變化在俄頃安能長老樊

離中樊籬中空白頭爲人料增已羞前有周府君後有草蘇州

朱蕭思話十許歲時好騎屋脊打細腰鼓侵暴鄉里莫不忠毒之折節數年遂有令譽嘗從文帝登鍾山石上撫琴帝嘉賞有松石間意元兇劬秋立以爲徐克二州刺史印起義應孝武

草蕭蕭

草蕭蕭穀中最細低頭熟拒軍新亭單車白服解草蕭蕭應天符掃清河洛平魏都夢乘青龍上天西行逐日驅解草蕭蕭南有一桑狀似華蓋張從兄告其弟此樹爲汝生兒家舊坐何許華表忽作龍鳴解草蕭蕭事須及熟今日權已握

亦有生齋集卷一

五

遺悔不穿領軍腹解草蕭蕭風被野使我十年臨天下上帝謂我第十九子何復使朱雀橋南有長者解

齊高帝紀王子年謂曰欲知其姓草蕭蕭云云帝拒王休範于新亭單車白服嘗夢乘青龍上天西行逐日宅南有桑嘗戲其下兄敬宗謂曰此樹爲汝生也舊坐在武進華表忽作龍鳴王敬則勸帝卽位曰事須及熟蒼梧欲害帝入鎮軍府時暑熱裸袒蒼梧立帝於室內盡腹爲的將射之王天恩諫曰領軍腹大是佳射棚一箭便死恐無復射帝每曰使我十年臨天下當使黃金與土同價在靈夢天謂已曰蕭道成是我第十九子袁粲據石頭黃回通謀蕭順之問難據朱雀橋回覓人還告

曰朱雀橋南一長者英威毅然回曰順之也

車轅折

泥滑滑車轅折脫作領軍母忘今日布衣昆弟爲君王整中早識蕭丹陽臣心既能盡君寵故特長傳家奕世光能耀西昌死忠侍中孝當官更有晉陵賢老解銜悲民立廟

蕭景先齊高從子武帝少年嘗與景先共車行泥路至領軍府西門車轅折俱狼狽景先曰兩人脫作領軍母忘今日轅幸武帝踐昨詔拜領軍將軍沈攸之舉兵時隨武帝鎮江州淦城景先乘城忽聞壘中有小兒呼蕭丹陽不絕永明中以景先尹丹陽符璽中詔藻梁西昌縣侯侯景之亂不食死勵吳平侯景子贈侍中以至孝

亦有生齋集卷一

六

聞昱普通中晉陵太守卒之日有婦夏氏年百餘歲悲泣不自勝百姓立廟建碑

五柳盧

五柳盧臣勿讓卿面方如田自具封侯相莫拊髀莫搔首丈夫處世當貴未可希三將五校何難之有揮涕斬回非矯情不然署事安賴有卿名君看故鄉載米來吳興

李安人蘭陵人晉安王子勳事平明帝大會勞諸軍主樛蒲官贈安人五柳皆盧帝大驚曰卿面方如田封侯相也少有大志嘗歎曰大丈夫處世當貴不可希取三將五校何難之有行南徐州事參軍王回素爲所親盜絹二疋流涕斬之王敬則每謂曰署事有卿名我便不

復細覽也後官吳興於家載米往郡

須我歸

須我歸冠汝冠父言猶在耳父戍不復還思父言長飲泣不冠亦不婚去時八齡今七十梁溪水深九龍山高長安不見兒心長勞九龍山高梁谿水深劉兮薛兮千秋祠音

華寶無錫人義熙末父戍長安寶八歲謂曰須我歸冠汝長安陷父死寶年七十不冠不婚明天順間建祠慧山并薛天生劉懷允祀焉天生以母遭喪菜食未免喪逝終身不食魚肉懷允十歲與弟懷則遭父喪終身不衣絮帛不食鹽豉無礙殿

亦有生齋集卷一 七

有文曰武生右手西邸招逆同八友伏龍在項帝者英牛車折角沽儉名三書三答稱頓首金字慧經不絕口無礙殿前受佛法金錢億萬贖菩薩贖菩薩歸臺城再呼荷荷遂無聲梁武帝紀帝有文在右手曰武少與沈約輩爲八友沙門僧惲謂帝曰君項有伏龍非人臣也齊明猜忌帝解遣部曲乘折角小牛車齊明稱帝請儉帝於無礙殿受佛戒幸同泰寺設四部無遮大會羣臣以錢一億萬奉贖皇帝菩薩百辟詣寺東門奉表請還臨宸極三請乃許帝三答書並稱頓首帝升光嚴殿講金字三慧經及爲侯景困於臺城疾久口苦索蜜不得再曰荷荷遂崩栗卿帝

栗卿帝謀擲琛動帝色悅帝心虎皮鞭桃枝杖斥憤王王氣喪酒數升書數寸扇一搗衣冠恨百僚散盡臺城空有人危坐宮坊中長安他日辭隋封

梁蕭琛嘗著虎皮鞭築桃枝杖直造王儉坐儉與語大悅守吳興郡有項羽祠曰憤王甚靈於郡屬事安施神座琛至開室中喑啞聲叱之遂撤去當與御筵帝取棗擲琛琛亦以栗擲帝帝色動琛曰陛下投臣以赤心臣敢不報以戰栗帝悅嘗言少壯三好音律書酒年長以來二事俱廢惟書不衰蕭子顯恃才傲物見九流賓客不與交言但舉扇一搗衣冠竊恨蕭允始事梁爲太子洗馬侯景陷臺城百僚奔散允獨整衣冠坐宮坊陳宣帝時爲光祿卿隋師濟江南士至長安者例受官允辭不受

亦有生齋集卷一 八

七疋絹

七疋絹五石米輕舟去官抑何駛一甌粥活三千人楊梅不墮紅如雲紅雲飛秋風起葛衣練裙不庇體

梁任昉爲義興太守歲荒捐俸爲粥活三千餘人郡產楊梅採取多苛昉禁之及代去舟中有絹七疋米五石而已

卿有名

卿有名千聞不如一見卿酒酣上馬殺賊首若頭犀角皆如狗可憐年少身封侯眼看降幡出石頭哭拜吾君死無恨舊

厨乞食從容進摩訶摩訶爾勿哀瓊花玉樹皆蒿萊

陳蕭摩訶蘭陵人少有勇力齊兵入寇侯安都曰卿驍勇有名千聞不如一見及戰安都被圍摩訶直衝齊軍安都以免齊遣大將率衆十萬有蒼頭犀角大力之號吳明徹酌酒飲之飲訖馳馬衝齊軍西域胡善射擲銃銳中之殺十餘人齊師退後主入隋請曰一見舊主死無所恨入見俯伏號泣仍於舊厨乞食進之旋遇害

陳司徒

血漉漉書作經股片片剗作羹剪東陽平長白義兵來奸謀伏叶惜哉八絕人爭羨身後乃歸法典傳胡爲事煬不事文司徒況是陳宗人

亦有生齋集樂府卷一

九

陳果仁仕陳爲監察御史未幾歸養母死刺血書孝經以志悲繼母病思牛炙適禁屠剗股作羹以進大業中奉詔平長白山及江宜義宜中與沈法興等剪東陽賊二十萬拜大司徒時稱其忠孝文武信義謀辨八絕煬帝被弑法興入毘陵陽起義兵陰欲據之懼果仁不附已遂遇害

王闕寇

公祐擒子通走區區晉陵如反手章邱誅曹州縊紛紛路人多掩涕太湖之天空游後年年如訴王闕寇

隋王雄誕曹州人闕寇章邱人皆驍勇李子通取晉陵杜伏威令輔公祐擊子通以雄誕殺爲副公祐與子通

戰不勝雄誕獨提私卒夜往子通敗走太湖追斬之後公祐反忠其異已殺殺雄誕公祐陷晉陵稜力戰克復及公祐擒又誣與已謀反遂死衆爲二人流涕

升御榻

升御榻呼即不以名病劾房魏何嘒嘒與亦李廢亦李八葉中書古無比榮名難保貴可求門第區區何足齒君不見乘輿夜走陳倉道冊召襄王辭屬稿板蕩忠臣疾風草

蕭瑀在隋爲河池郡守唐高祖招之挈郡歸武德元年遷內史令嘗引升御榻呼曰蕭郎瑀明辨不能容人短與房魏不平會元齡等小過痛劾之太宗賜詩曰疾風知勁草板蕩識忠臣遠擢咸通中進士王重榮之亂田

亦有生齋集樂府卷一

十

令孜迎帝幸陳倉朱玖欲立襄王煜召邁作冊邁辭玖恨之帝還宮孔璋構之死自瑀至邁凡八葉宰相名德相望與唐興衰古未有也

謀舍人

謀舍人舍人后心腹不知東宮憐舊屬謀舍人舍人但迎后母欲殺臣兒勿可救君家祕監知幾早明詔徵之辭母老聞說罵人人不惱

劉祿之毘陵人武后時私與鳳閣舍人賈大隱曰后能廢昏立明益反政以安天下大隱表其言后怒賜死初祿之得罪睿宗以舊屬中理之祿之曰太后威福由已而帝營救是速吾死也隋祕書監劉子翼祿之父性剛

直李百藥常稱劉四雖復罵人人終不恨貞觀元年徵之不至

蕭夫子

蕭夫子名高不可攀自無李林甫歸臥太室山漁陽鼓聲振地匹馬行間上奇計飛書宣見石頭城不知永王但知市蕭夫子海外思爲師可憐青蓮謫猛虎何似凝碧池頭詩

蕭穎士開元中進士第一諸名士執弟子禮稱蕭夫子宰相李林甫欲見之不詣祿山龍悉穎士憂亂託疾遊

太室山祿山反屢獻守禦計時不能用客金陵永王璘

召見拒之倭國嘗入朝自陳國人願得蕭夫子爲師

非市名

亦有生齋集卷下

十一

身長三尺詩有聲江南從事推李卿朝廷召錡錡不行令卿作疏卿不能以刃視之顏不更錡誅其更聞朝廷本激于義非市名

李紳亳州人居無錫爲人短小工詩李錡鎮江南辟從事錡寢不法數諫不聽朝廷遣使召錡錡不欲行賜使者代奏稱疾令紳作疏紳陽怖不能爲字下筆輒塗去錡怒注以刃復然乃囚之錡誅或欲以聞謝日本激于義非市名也

手植槍

獨孤太守手植槍摩挲盡日長相對爾槍亦何知胡爲令人愛風霜不使枝槎枒路塵盡殺河陽花

獨孤及大歷中常州刺史三年路不舉遺十月甘露降於庭樹卒之日行路痛哭手植三槍宋時猶存

一瓶酒

一瓶酒五甌詩孤葉脆鱸魚肥是里民不得師非里民不得皆彼何交陸與皮彼何心軒與義

魏璞蘭陵人雅與陸龜蒙皮日休善每秋風時乘短舸載一瓶酒遊煙水間日休嘗稱璞是乎里民不得以師之非乎里民不得以蓄之後以釣船諸具貽璞著五甌詩

樞密來

樞密來吾亦斬片言真破吳越膽君不見團練勇防禦仁團練不降敵防禦不殺人偏安之際才超羣

亦有生齋集卷下

十一

柴克宏再用子吳越王宏俶遣吳程襲常州唐主以爲右武衛將軍使救常州李徵古遣使召之克宏曰吾計日破賊汝來召吾必奸人也命斬之使者曰受李樞密命來曰李樞密來吾亦斬之遂破吳越之兵解常州之圍趙仁澤常州團練使吳越兵犯境被執見吳越王不拜王怒執其口至耳竟不屈張令鋒始仕後唐在周爲常州防禦使性仁恕嘗曰我從軍三十年未嘗妄殺一人

排悶詠

排悶詠大權一移國如綫淖齒李兌難特見先帝顧命陛下